

ՀԱՅՈՑ ՀԱՅՐԱՊԵՏԻ ՁԵՌԱՄԲ ՕԾՎԵՑԻՆ ԱՐՏԱՀԱՏԻ ԱՌԱՋԻՆ ԵԿԵՂԵՑՈՒ ՀԻՄՔԵՐԸ

Հոկտեմբերի 29-ին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսը հոգևոր դասի ուղեկցությամբ մեկնեց Արտաշատ՝ կախարելու քաղաքի նոր կառուցվելիք եկեղեցու հիմնօրհնների արարողությունը: Սրբազան արարողությանն իր մասնակցությունն էր բերել ՀՀ Նախագահ Ռոբերտ Զոհարյանը:

Արտաշատում Վեհափառ Հայրապետին դիմավորեցին աղ ու հացով: Այսպեղ էին նաև Արարադյան Հայրապետական թեմի առաջնորդական փոխանորդ Տ. Նավասարդ եպս. Կճոյանը՝ թեմի հոգևոր դասի հետ, ՀՀ տարածքային կառավարման և ենթակառուցվածքների գործունեությունը համակարգող նախարար Հովիկ Աբրահամյանը, Արարադի մարզպետը, Արտաշատի քաղաքապետը, բարձրաստիճան պաշտոնյաներ:

Արտաշատում քաղաքի առաջին այս եկեղեցին, որ կրելու է Ս. Հովհաննես առաքյալի և ավետարանիչի անունը, կառուցվում է նախարար Հովիկ Աբրահամյանի նախաձեռնությամբ ու հովանավորությամբ: Այն իր ճարտարապետական կառուցվածքով խաչաձև է, ունենալու է մեկ գմբեթ, զանգակատուն և կարող է տեղավորել շուրջ 500 հավատացյալ: Եկեղեցու շինությունը նախատեսված է ավարտել 2 տարի հետո:

Ձեռամբ Վեհափառ Հայրապետի օծվեցին եկեղեցու 16 վեմ-քարերը, որոնք տեղադրվեցին նորակառույց եկեղեցու հիմքում՝ կոչվելով 12 առաքյալների, 4 ավետարանիչների և Գրիգոր Լուսավորչի ու Հովհաննես Մկրտչի անուններով: Թաղեռս առաքյալի անվամբ վեմ-քարը տեղադրվեց ՀՀ Նախագահ Ռոբերտ Զոհարյանի ձեռքով:

Շնորհավորելով ու հայրապետական իր օրհնությունը փոխանցելով Արտաշատի բնակիչներին՝ Վեհափառ Հայրապետը միաժամանակ գնահատանքի խոսքեր ուղղեց նորակառույց եկեղեցու հովանավոր Հովիկ Աբրահամյանին, մարզի ու քաղաքի իշխանություններին և հավատացյալ ժողովրդին:

«Մեր ուրախությունն իր արձագանքն է գտնում երկնքում՝ պայծառ ու գեղեցիկ, արևշող օրվա երևույթով: Աստված, կարծեք թե, նշան է տալիս մեզ, որ օրհնում է եկեղեցաշինության մեր այս նախաձեռնությունը: Որովհետև եկեղեցի կառուցել՝ նշանակում է՝ Աստված ընդունել, նշանակում է՝ ներկայություն դարձնել Աստծուն մեր կյանքի մեջ, մեր հոգիներում և կենցաղում: Նշանակում է՝ միշտ բարու հետևող լինել, սիրով ապրել կյանքը, հավատ գործեր կատարել: Եկեղեցի կառուցել՝ նշանակում է՝ հավատարմություն դրսևորել մեր հայրերի սրբազան հավատքին, մեր անցյալի հոգևոր ժառանգությանը, սիրել մեր հայրենին և նախանձախնդիր լինել նրա վաղվա օրվա նկատմամբ՝ իրականություն դարձնելով բոլոր այն երազները, որոնց համար ապրել ենք, պայքարել ու մարտնչել, երբեմն էլ մարտիրոսվել ու նահատակվել», - ասաց Վեհափառ Հայրապետը:

Հիմնարկների սրբազան արարողությունից հետո օրվա խորհուրդն ամբողջացվեց տոնախմբությամբ՝ երգ ու պարով, արտասանություններով ու սրբաբույի խոսքերով:

ՄԱՅՐ ԱԹՈՒ Ս. ԷԶՄԻԱԾԻՆ
ՏԵՂԵԿԱՏՎԱԿԱՆ ՀԱՄԱԿԱՐԳ

1991 թվականի ապրիլի 2-ին Սուրբ Երեմիայի թանգարանում, Երևանում, Երեմիայի թանգարանի տնօրենի ղեկավարությամբ Երեմիայի թանգարանի 91-րդ համաժողովը անցավ:

